

Izvor sredstava:

Budžet Kantona Sarajevo za 2020. godinu - primici

Kriteriji za dodjelu sredstava:

Sredstva se koriste za izgradnju tramvajskih stajališta sa kompletnom opremom, nabavku i opremanje centra za upravljanje javnim prevozom i opreme za funkcionisanje sistema elektronske naplate karata

## 2. Nabavka opreme i ostalih sredstva za parkirišta

Svrha programa:

Finansiranje nabavke opreme i ostalih sredstva za parkirišta.

Izvor sredstava:

Budžet Kantona Sarajevo za 2020. godinu - namjenska sredstva

Kriteriji za dodjelu sredstava:

Sredstva će se dodjeljivati u skladu sa utvrđenim prioritetima na prijedlog općina u Kantonu Sarajevo i KJKP "Rad" d.o.o. Sarajevo

## 3. Kapitalni transferi javnim preduzećima

Svrha programa:

U skladu sa Programom konsolidacije poslovanja KJKP "GRAS" d.o.o. Sarajevo finansiraju se sljedeće mjere: zbrinjavanje uposlenika koji su stekli uslove za odlazak u penziju, podrška u finansiranju izmirivanja obaveza prema Upravi za indirektno oporezivanje Bosne i Hercegovine kroz plaćanje obaveza za tekući PDV i otplatu dugovanja iz prethodnog perioda u skladu sa planiranim sporazumima o izmirivanju obaveza na rate.

Izvor sredstava:

Budžet Kantona Sarajevo za 2020. godinu - Budžet

Kriteriji za dodjelu sredstava:

Sredstva se dodjeljuju u skladu sa Programom konsolidacije poslovanja KJKP "GRAS" d.o.o. Sarajevo za period 2019-2021. godina, koji je usvojen od strane Vlade Kantona Sarajevo.

### Izdaci za nabavku stalnih sredstva

R.br.	Naziv program	Korisnik sredstava	Visina sredstva
1.	Nabavka opreme	Ministarstvo saobraćaja	8.210.000,00 KM
2.	Nabavka stalnih sredstava u obliku prava	Ministarstvo saobraćaja	250.100,00 KM
3.	Rekonstrukcija i investiciono održavanje	Ministarstvo saobraćaja	900.000,00 KM

### 1. Nabavka opreme

Svrha programa: Nabavka opreme za potrebe Ministarstva saobraćaja u cilju sticanja uslova za unaprjeđenje upravljanja saobraćajem i nesmetano odvijanje svih aktivnosti koje su planirane programom rada Ministarstva saobraćaja.

Izvor sredstava:

Budžet Kantona Sarajevo za 2020. godinu - budžet, namjenska sredstva, primici

Kriteriji za dodjelu sredstava:

Utvrđeni prioriteti za ostvarivanje programskih ciljeva u radu Ministarstva saobraćaja.

### 2. Nabavka stalnih sredstva u obliku prava

Svrha programa: Nabavka investiciono tehničke dokumentacije za realizaciju kapitalnih projekata.

Izvor sredstava:

Budžet Kantona Sarajevo za 2020. godinu - budžet, namjenska sredstva

Kriteriji za dodjelu sredstava:

Utvrđeni prioriteti za ostvarivanje programskih ciljeva u radu Ministarstva saobraćaja.

### 3. Rekonstrukcija i investiciono održavanje

Svrha programa: Izgradnja, revitalizacija i investiciono održavanje saobraćajne infrastrukture.

Izvor sredstava:

Budžet Kantona Sarajevo za 2020. godinu - budžet, namjenska sredstva

Kriteriji za dodjelu sredstava:

Utvrđeni prioriteti za ostvarivanje programskih ciljeva u radu Ministarstva saobraćaja.

#### III

Sredstva utvrđena u Programu iz tačke I ove Odluke raspoređivat će se prema kriterijima za raspodjelu sredstava po tekućim i kapitalnim transferima utvrđenim za svaki program posebno.

#### IV

U skladu sa ovom Odlukom, pojedinačne odluke o dodjeli sredstava korisnicima u svim navedenim tekućim i kapitalnim transferima iz tačke I ove Odluke donosi ministar saobraćaja.

#### V

Korisnici sredstava, Sektor za sigurnost, tehničku regulaciju saobraćaja i saobraćaj u mirovanju, Sektor za prijevoz i Ministarstvo saobraćaja - Direkcija za puteve, obavezni su da Ministarstvu odnosno Sektoru za ekonomske poslove, planiranje razvoja i realizaciju projekata dostavljaju kvartalno izvještaje o utrošku sredstava i to najkasnije 30 dana nakon završetka kvartala.

#### VI

Korisnici sredstava obavezni su da dodjeljena sredstva koriste namjenski i dostave izvještaj sa kompletnom dokumentacijom kojom se dokazuje namjenski utrošak sredstava, najkasnije do 31.01. naredne godine.

#### VII

Ministarstvo saobraćaja će pratiti namjenski utrošak sredstava iz tačke I ove Odluke.

#### VIII

Ministarstvo saobraćaja Kantona Sarajevo će kvartalno, u skladu sa Zakonom o izvršavanju Budžeta Kantona Sarajevo za 2020. godinu, podnositi izvještaj o utrošenim sredstvima Ministarstvu finansija Kantona Sarajevo, a Ministarstvo finansija će izvještavati Vladu Kantona Sarajevo.

#### IX

Za realizaciju ove Odluke zadužuje se Ministarstvo finansija Kantona Sarajevo i Ministarstvo saobraćaja Kantona Sarajevo, svako u okviru svoje nadležnosti.

#### X

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-10707-1/20

23. aprila 2020. godine

Sarajevo

Premijer

**Mario Nenadić**, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), i člana 7. stav 2. tačka 2) Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", broj 75/04, 38/06, 52/09, 56/09 i 36/14), na prijedlog Kantonalne uprave civilne zaštite Kantona Sarajevo, Vlada Kantona Sarajevo, na 10. sjednici održanoj 16.04.2020. godine, donijela je

**RJEŠENJE  
O IMENOVANJU KANTONALNE KOMISIJE ZA  
PROCJENU ŠTETA OD PRIRODNIH I DRUGIH  
NESREĆA****I**

U Kantonalnu komisiju za procjenu šteta od prirodnih i drugih nesreća imenuju se:

1. Amra Garaplija, dipl. ecc. - predsjednica
  2. Sanel Gazija, dipl. ecc. - član
  3. Dževad Čeljo, dipl. ing. maš. - član
  4. Nedžad Mekić, dipl. ing. građ. - član
  5. Abdulah Krivošija, dipl. ing. arh. - član
- Dževad Čorović - sekretar.

**II**

Zadaci Komisije su da:

- (1) prati, objedinjava, usmjerava i vrši nadzor nad radom općinskih komisija na području Kantona Sarajevo, te pruža stručnu pomoć u pravilnom primjenjivanju Uredbe o jedinstvenoj metodologiji za procjenu šteta od prirodnih i drugih nesreća ("Službene novine Federacije BiH", broj 75/04, 38/06, 52/09, 56/09 i 36/14);
- (2) vrši provjeru realnosti procjene šteta koju utvrde općinske komisije uvidom u dokumentaciju i stvarno stanje nastale štete;
- (3) izrađuje zbirni izvještaj o procjeni šteta na području Kantona Sarajevo, koje su utvrđene od strane općinskih komisija na području Kantona Sarajevo i isti u roku od 15 dana od dana dobijenih izvještaja dostavlja Vladi Kantona Sarajevo na razmatranje i usvajanje, a Federalnom zavodu za statistiku i Federalnoj komisiji za procjene šteta u roku od 15 dana od dana usvajanja;
- (4) predlaže Vladi Kantona Sarajevo visinu sredstava koja bi trebalo obezbijediti za otklanjanje šteta nastalih na području Kantona Sarajevo.

**III**

Komisija iz tačke I ovog Rješenja sastoji se od predsjednika Komisije i četiri člana, te sekretara Komisije.

U sastav Komisije mogu se, ako se ocijeni da za tim ima potrebe, imenovati i druga stručna lica iz odgovarajućih oblasti, sa svim pravima i obavezama kao i članovi Komisije iz tačke I ovog Rješenja. Imenovanje tih lica vrši Vlada Kantona Sarajevo na prijedlog Kantonalne komisije za procjenu šteta od prirodnih i drugih nesreća.

**IV**

Komisija se imenuje na period od četiri godine.

**V**

Kantonalna uprava civilne zaštite Kantona Sarajevo obezbjeđuje potrebne uslove za nesmetan rad Komisije iz tačke I ovog Rješenja (prevozna sredstva, opremu, karte sa utvrđenim statističkim krugovima, mjerne alate, fotoaparati, kameru i sl. pisane obrasce, prostor, kancelarija) gdje će Komisija obavljati poslove iz svoje nadležnosti i vršiti stručne, administrativne i druge poslove potrebne za rad Komisije, organizovati radne sastanke Komisije radi obučavanja i osposobljavanja članova Komisije za utvrđivanje procjene štete i popunjavanje obrazaca predviđenih za utvrđivanje štete i vršiti sve druge poslove potrebne za uspješan rad Komisije.

**VI**

Predsjedniku i članovima Komisije pripada naknada za rad u Komisiji, čiju visinu posebnim rješenjem utvrđuje Vlada Kantona Sarajevo, iz Budžeta Kantona Sarajevo, sredstva

Kantonalne uprave za civilnu zaštitu, a u vrijeme angažovanja Komisije.

**VII**

Danom stupanja na snagu ovog Rješenja prestaje da važi Rješenje o imenovanju Kantonalne Komisije za procjenu šteta od prirodnih i drugih nesreća, broj 02-05-10148-8/16 od 31.03.2016. godine ("Službene novine Kantona Sarajevo", broj 14/16) i broj 02-05-17968-19/18 od 12.04.2018. godine ("Službene novine Kantona Sarajevo", broj 16/18).

**VIII**

Ova Rješenje stupa na snagu osmog dana od dana objavljivanja u "Službenim novinama Kantona Sarajevo".

Broj 02-04-10050-9/20

16. aprila 2020. godine  
Sarajevo

Premijer  
**Mario Nenadić**, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 116. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 38/14 - Prečišćeni tekst i 38/16, 44/17 i 28/18), a u vezi sa članom 34. Zakona o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo, na 10. sjednici održanoj 16.04.2020. godine, donijela je

**RJEŠENJE****O RAZRJEŠENJU ČLANICE NADZORNOG ODBORA  
JAVNE USTANOVE "KANTONALNI CENTAR ZA  
SOCIJALNI RAD"****I**

Lejla Redžović, razrješava se dužnosti članice Nadzornog odbora Javne ustanove "Kantonalni centar za socijalni rad", prije isteka vremena na koji je imenovana, na vlastiti zahtjev.

**II**

Ovo Rješenje stupa na snagu danom donošenja i objavit će se u "Službenim novinama Kantona Sarajevo".

Broj 02-04-10050-6.1/20

16. aprila 2020. godine  
Sarajevo

Premijer  
**Mario Nenadić**, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), i člana 4. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03, 34/03 i 65/13), Vlada Kantona Sarajevo, na 10. sjednici održanoj 16.04.2020. godine, donijela je

**RJEŠENJE****O IMENOVANJU VRŠIOCA DUŽNOSTI ČLANICE  
NADZORNOG ODBORA JAVNE USTANOVE  
"KANTONALNI CENTAR ZA SOCIJALNI RAD"****I**

Za vršioca dužnosti članice Nadzornog odbora Javne ustanove "Kantonalni centar za socijalni rad", na period na najviše 3 (tri) mjeseca, imenuje se Jasna Burdžović, po struci bachelor socijalnog rada.